



## Potpisan Sporazum o međusobnom pružanju pomoći i operativnoj saradnji policijskih agencija u BiH



**PERICA STANIĆ,**  
direktor SIPA



**GOJKO VASIĆ,**  
direktor Policije RS



**DRAGAN LUKAČ,**  
direktor FUP-a



**GORAN PISIĆ,**  
šef Policije Brčko distrikta



# Korak naprijed u borbi protiv kriminala

Potpisnici sporazuma istakli značaj saradnje svih institucija na nivou države, oba entiteta i Brčko distrikta

**Dragan SLADOJEVIĆ**

**ISTOCNO SARAJEVO - Sporazum o međusobnom pružanju pomoći i operativnoj saradnji policijskih agencija u BiH potpisali su juče rukovodioci Policije RS, Federalne uprave policije (FUP), Policije Brčko distrikta i Državne agencije za istrage i zaštitu (SIPA), koji su istakli značaj saradnje sa ciljem uspješne borbe protiv svih oblika kriminala.**

U prostorijama SIPA, na sporazum sa tom agencijom svoj potpis stavili su Gojko Vasić, direktor Policije RS, Dragan Lukač, direktor FUP-a, i Goran Pisić, šef Policije Brčko distrikta,

dok se, u ime SIPA, potpisao njen direktor Perica Stanić. Dakle, dokument je potpisivan na način da su brčanska policija te entitetski policijski organi, bilateralne sporazume potpisivali sa SIPA.

"Potpisnici sporazuma istakli su značaj saradnje svih institucija na nivou države, oba entiteta i distrikta, s ciljem što uspješnije borbe protiv svih oblika kriminala i efikasnijeg suprotstavljanja aktuelnim sigurnosnim izazovima", saopštila je Kristina Jozić, direktor SIPA.

**CILJ EFIKASNIJEG SUPROTSTAVLJANJE AKTUELNIM BEZBJEDNOSNIM IZAZOVIMA**

Taj sporazum dostavljen je i kantonalnim MUP-ovima na eventualne prijedloge i sugestije radi budućeg usaglašavanja i eventualnog potpisivanja.

Komentar od Stanića nismo uspjeli dobiti, kao ni od Vasića, čiji je kolega po funkciji iz FBiH, Dragan Lukač, rekao da je suština sporazuma stvaranje pravnog osnova za saradnju u oblasti postupanja ovih policijskih organa.

Dodao je da je sporazum solidna osnova za kvalitetniju saradnju organa policije u odnosu na saradnju ako takav sporazum ne postoji. "Dakle, to je korak naprijed i mislim da je to pozitivna stvar te da se zapravo ništa bitno neće promijeniti u odnosu na ono što smo imali do sada, ali hoće se stvoriti pretpostavke da ljudi koji rade na operativnim poslovima u policiji imaju osno-

va da mogu bolje da suraduju", rekao je juče za "Nezavisne" Dragan Lukač.

Dan ranije je njegov imenjak i prezimenjak, ministar unutrašnjih poslova RS, izjavio da očekuje dobru buduću saradnju policijskih struktura u BiH.

Ministar Lukač istakao je da je sporazum koji je potpisan prije deset godina "prevaziđen", a u dogovoru sa direktorom SIPA i Draganom Mektićem, ministrom bezbjednosti BiH, dogovoreno je da bude doraden. Odnosi između institucija RS, uključujući i MUP RS, sa jedne, te SIPA, Tužilaštva BiH i Suda BiH sa druge strane, bili su zahladjeli nakon što je SIPA, u sklopu predmeta koji se odnose na ratne zločine, nedavno u Novom Gradu pretresla zgrade policije, opštine i komunalnog preduzeća.